

## BAGAIMANA SAYA BOLEH MEMBANTU?

- Bersifat tabah dan yakin
- Percaya kata-kata kanak-kanak tersebut.
- Memberi sokongan dan kepastian kepada kanak-kanak.
- Melindungi kanak-kanak daripada terus didera.
- Mendapatkan bantuan perubatan dengan segera.
- Melaporkan kejadian di Jabatan Kebajikan Masyarakat / Balai Polis.
- Menasihati dan membantu kanak-kanak untuk menjalani hidup yang biasa semula.
- membenarkan kanak-kanak meluahkan perasaan.
- Mendengar tetapi jangan memaksa kanak-kanak memberikan maklumat.
- Terus memberi keyakinan dan sokongan.



## BAGAIMANA SAYA BOLEH MENCEGAH PENDERAAN SEKSUAL KANAK-KANAK?

- Meningkatkan kesedaran masyarakat mengenai isu penderaan seksual kanak-kanak.
- Mengubah sikap masyarakat terhadap mangsa penderaan seksual.
- Mengajar kanak-kanak menghormati tubuh badan setiap orang.
- Mencabar pernyataan seksis dan peranan stereotaip mengikut jantina di masyarakat
- Mengatasi rasa malu dan stigma yang dikaitkan dengan penderaan seksual.

## AGENSI-AGENSI PULAU PINANG YANG BOLEH MEMBANTU

### Jabatan Polis

• Pulau Pinang (ibu pejabat)	222 1522
• Jelutong	282 5922
• Balik Pulau	866 9222
• Pulau Tikus	228 0422
• Sungai Nibong	643 0222
• Ayer Itam	826 8522
• Timur Laut	229 2222
• Seberang Perai Utara	576 2222
• Bukit Mertajam	538 2222

### Jabatan Kebajikan Masyarakat

• KOMTAR	650 5259
• Daerah Timur Laut	226 4531
• Daerah Barat Daya	866 8442
• Bukit Mertajam	538 2584
• Butterworth	331 3455
• Jawi / Nibong Tebal	582 1798

### Hospital (Jabatan Kecemasan & Trauma)

• Hospital Pulau Pinang	222 5333
• Hospital Seberang Jaya	382 7333
• Hospital Balik Pulau	866 9333
• Hospital Bukit Mertajam	538 3333
• Hospital Sungai Bakap	582 4333
• Hospital Kepala Batas	579 3333

### Pertubuhan-pertubuhan lain

• Pertubuhan Perlindungan Kanak-kanak	829 4046
• Jabatan Bantuan Guaman	229 0966
• Talian Nur	15999

## SUMBER DARI WCC

1. Pakej pendidikan penderaan seksual kanak-kanak *Bijak itu Selamat* yang mengandungi:
  - Buku panduan guru, *Mengajar Kanak-kanak Langkah-langkah Keselamatan*
  - Buku bergambar, *Saya dan Suara Kecil Saya*
  - VCD WCC, *Ok Tak Ok, Siri 2 Program Keselamatan Diri*
  - Alat pendidikan kanak-kanak, *Roda Tindakan*
2. Buku panduan, *Bekerjasama dengan Survivor Rogol*
3. Risalah *Penderaan Seksual Kanak-Kanak*
4. Buku kartun, *Nina dan Rahsianya*



**PUSAT KESEDARAN WANITA**  
**WOMEN'S CENTRE FOR CHANGE**  
(dahulunya Pusat Krisis Wanita /  
*Women's Crisis Centre*)

Tajaan



MMK Pembangunan Wanita,  
Keluarga dan Komuniti

# Penderaan Seksual Kanak-kanak

*Anak anda juga  
boleh menjadi  
mangsa!*



### Hubungilah kami:

#### PUSAT KESEDARAN WANITA

24-D Jalan Jones, 10250 Pulau Pinang, Malaysia

Tel: 04-228 0342 • Faks: 04-228 5784

Emel: [wcc@wccpenang.org](mailto:wcc@wccpenang.org) • Laman Web: [www.wccpenang.org](http://www.wccpenang.org)

#### PUSAT PERKHIDMATAN WANITA (PPW) SEBERANG PERAI

67A, Tingkat 1, Jalan Perai Jaya 4, Bandar Perai Jaya, 13600 Perai

Tel: 04-398 8340 • Faks: 04-398 8341 • Emel: [ppwsp@streamyx.com](mailto:ppwsp@streamyx.com)

## APAKAH ITU PENDERAAN SEKSUAL KANAK-KANAK?

Penderaan seksual kanak-kanak berlaku apabila seorang kanak-kanak dieksploitasi untuk kepuasan seksual seorang dewasa atau seseorang yang lebih tua daripada mangsa. Jika seseorang kanak-kanak itu telah disetubuhi oleh seorang ahli keluarganya, ia dikenali sebagai sumbang mahram.

## BILAKAH IA TIDAK DIANGGAP PENDERAAN SEKSUAL?

Kita tidak seharusnya keliru dengan belaian mesra di antara seorang dewasa dengan seorang kanak-kanak. Seorang dewasa yang bertanggungjawab akan menghadkan belaian dan sentuhannya dengan kanak-kanak, menghormati kanak-kanak tersebut di samping mengekalkan perhubungan yang sihat dan mesra.

## SKOP DAN STATISTIK

Mengikut statistik Jabatan Kebajikan Masyarakat Malaysia bagi tahun 2009, kes tentang penderaan seksual kanak-kanak merangkumi 31% daripada jumlah kes penderaan kanak-kanak. Lebih kurang 95% mangsa penderaan seksual kanak-kanak ialah kanak-kanak perempuan dan baki 5% ialah kanak-kanak lelaki.

Statistik polis bagi tahun 2006 menunjukkan bahawa 67% mangsa sumbang mahram adalah di bawah umur 16 tahun. 49% daripada pendera ialah bapa atau bapa tiri.

Penderaan seksual kanak-kanak berlaku dalam semua kumpulan etnik, agama, termasuk pelbagai peringkat sosio-ekonomi.

## SIAPAKAH YANG MELAKUKANNYA?

Perbuatan ini dilakukan oleh sesiapa sahaja yang berkuasa dan berpeluang berdamping dengan kanak-kanak. Daripada kes-kes yang telah dilaporkan, didapati sejumlah 90% kanak-kanak yang menjadi mangsa mengenali pelakunya; contohnya ibu bapa, saudara-mara, jiran, sahabat dan lain-lain.

## BAGAIMANA IA DILAKUKAN?

Berikut adalah beberapa cara penderaan seksual kanak-kanak boleh berlaku:

### Bukan fizikal

- Stimulasi lisan
- Panggilan telefon lucah
- Mendedahkan anggota bahagian sulit
- Exploitasi, contohnya pelacuran atau pornografi

### Secara Fizikal

- Meraba bahagian sulit kanak-kanak
- Memaksa kanak-kanak meraba bahagian sulit pelaku
- Percubaan atau penerobosan faraj, mulut atau dubur kanak-kanak dengan objek/jari dan/atau zakar pelaku

## BAGAIMANA MENGENALPASTI KANAK-KANAK YANG TELAH DIDERA?

Mangsa penderaan seksual dapat dikesan melalui simptom-simptom yang berikut:

### Fizikal

- Bahagian sulit/dubur menjadi merah/ gatal
- Rasa sakit/terdapat luka pada bahagian sulit/dubur
- Rasa sakit semasa membuang air kecil
- Lelehan faraj dan zakar
- Rasa sakit di bahagian abdomen
- Penyakit kelamin
- Mengandung

### Tingkah laku

- Suka berpaut
- Mengasingkan diri / menghisap jari
- Terbuang air kecil (kencing) di tempat tidur, tidak bersesuaian dengan umur
- Ponteng sekolah
- Prestasi yang lemah di sekolah
- Melarikan diri
- Menyalahgunakan arak dan dadah
- Percubaan membunuh diri
- Pelancapan yang kerap
- Tingkah laku menggoda
- Pengetahuan dan aktiviti seksual yang tidak sesuai dengan umur

### Psikologi

Kemurungan yang dimanifestasikan melalui aduan-aduan somatik seperti:

- Sakit kepala
- Sakit perut
- Sakit dada
- Kepenatan
- Insomnia
- Rasa pening
- Sering menangis
- Histeria
- Takut yang tidak menentu
- Hilang selera makan
- Kurang tumpuan
- Rasa rendah diri



# Penderaan Seksual Kanak-kanak